

3 CHRISTIANI RAVII DELINEATIO

& optimè posset Cl: Golius si vellet, qui jam ingentem catalogum composuit autorum in Oriente conscriptorum, aut versorum ex unâ lingua in aliam. Sed etiam sine isto Cl. Golii labore, quis nostrum in modernis scriptis versatus aliquantis per, ignorare potest ex Græco in Arabicum versa tempore Almamonis, qui Scientias Græcas & artes in linguam suam magno fero ure procurabat converti? quo seculo mamoneo tot prodiere libri in Arabicum ex Græco versi: hinc Pythagoras, Cebes, Apollonius pergeus, Euclides, Aristoteles, Plato, Galenus, Hippocrates, Dioscorides, Hero, Archimedes, Theodosius, Aristarchus, Hypsicles, Philemon, Hermes trismegistus, & si qui plures alii, quos habemus, aut habebimus, quos novimus aut noscemos, prostant, & in nostrum orbem sunt delati. Hinc Solonis historiam græcè arabicèque habeo, hinc poëtarum gnomas ac sententias, philosophiamque Aristonis, Homeri, Alcmanis, sive Locmanni Lydi Sardensis, & plura talia possideo versa. Quantum est, quod ubique vertitur! sic Thomam de Kempis versum in Arabicum habet Cl. Golius, sic Catechismum Bellarmini, sic alios nostri orbis autores videmus verti. Tantùm potest communicandi studium. Hinc jam tot per annos lexica extant Arabico-Latina, Arabico-Hispanica, Italico-Arabica, & Arabico-Italica, quæ latent in Italia & inter Italos in Oriente degentes, qualia vidi. Nos itaque horum omnium naturali studio cognito pro nostra quoque virili in præsentiarum de utilissimo lexico Arabico-Latino consultabimus.

35

CAPUT